

四庫全書

史部

欽定四庫全書

大唐開元禮卷一百二十三

唐 蕭嵩等撰

嘉禮

三品以上婚

納采

問名

納吉

納徵

請期

親迎

見舅姑

盥饋

婚會

婦人禮會

饗丈夫送者

饗婦人送者

納采

婚禮先使媒氏通書女氏許之乃致納采之禮前一日
主人設賓次於大門外道右南向其後納吉納徵請期
親迎設次皆如之其日大昕使者至女氏大門外掌次
者延入次主人公服受其禮於廟無廟者於正寢掌事者布神
席於室戶外之西右几使者公服出次立於大門外之

西東面主人立於東階下西面僮者立於主人之左北

面受命出立於門東西面曰敢請事賓曰吾子有命貺

室某也

吾子女父
某婿名

某有先人之禮使某也請納采

上某
壻父

名下某
使者稱僮者入告主人曰某之子蠢愚又弗教吾子命

之某不敢辭僮者出告掌畜者以鴈授賓退立於後賓

左手執之主人迎於大門外之東西面再拜賓不答拜

主人揖賓以入賓從入主人入門而右賓入門而左至

於次門主人又揖入至內雷將曲揖當階主人曰請吾

子升賓曰某敢辭主人曰固請吾子升賓曰某敢固辭
主人曰終請吾子升賓曰某敢終辭主人升東階當阿
也阿棟西面賓升西階當阿東面賓曰敢納采主人阼階上
北面再拜進立於楹間南面賓進立於主人之西俱南
面賓授鴈降自西階以出

問名

納采禮畢賓既降立於內門外之西東面初賓降主人
還阼階東左右受鴈於序端主人降立於阼階下西面

儻者進受命出請事賓曰某既受命請加諸卜敢請女
為誰氏儻者入告主人曰吾子有命且以備數而擇之
某不敢辭儻者出告掌畜者以鴈授賓退立於後主人
迎於內門外之東西面揖賓以入主人入門而右賓入
門而左二揖至階三讓如初主人升阼階當阿西面賓
升西階當阿東面曰敢問名主人於阼階上北面再拜
進立於楹間南面賓進立於主人之西俱南面賓授雁
還立西階上東面主人還阼階上西面曰某第某女某

氏出賓出立於內門外之西東面主人退立於阼階東
左右受雁於序端主人降立於阼階下西面儗者進受
命出請事賓曰禮畢儗者入告主人曰吾子為事故至
於某之室某有先人之禮請禮從者儗者出告賓曰某
既得將事敢辭儗者入告主人曰先人之禮敢固以請
儗者出告賓曰某辭不得命敢不從儗者入告主人升
立於序端掌事者徹几改筵

莞筵紛純加藻席績純一
品二品雕几三品彤几主

人設神席亦准此

設甒醴於東房內西牖下加勺幕坫在樽北

實解一角枳一加羃籩豆在坳北實脯醢設洗於東房
近北壘水在洗西篚在洗東北肆設訖主人降迎賓於
內門外之東西面主人揖賓報揖主人入賓從入二揖
至階三讓如初升主人於阼階上北面再拜賓於西階
上北面答拜主人受几於序端掌事者內拂几三奉兩端西
北向進主人東南向外拂几三振袂內執之進西北向使者迎
受於筵前東南向以俟主人還阼階上北面拜送賓以
几避北面坐設於坐左興退於西階上北面答拜立於

西階東面贊者盥手洗觶酌醴加柶於觶覆之面葉出
房南面立主人受醴面柶進筵前北面立賓西階上北
面一拜進筵前東南面受醴復西階上位主人還阼階
上北面一拜送贊者薦脯醢於筵前賓進升筵坐左執
觶右取脯孺於醢祭於籩豆之間以柶祭醴三始扱一
祭又扱再祭興以柶兼諸觶上躡降筵於西階上北面
坐啐醴建柶奠觶遂拜執觶興主人答拜賓進升筵坐
奠觶於籩之東賓退立於西階上東面掌事者奉篚幣

升自東階主人受於序端進西面立賓西階北面再拜
主人進楹間南面立賓進立於主人之西俱南面主人
以幣篚授賓賓受退立於西階上東面主人還東階上
北面拜送賓降自西階從者迂受幣賓出大門外之西
東面立主人降出門東西面拜送賓退主人入立於東
階下西面僮者告於主人曰賓不顧矣主人乃還於寢
於使者歸主人婿之父公服立於阼階下西面使者入告
立於主人之左北面曰某既得將事敢告主人曰聞命

使者退主人入

以下復命准此

納吉

其日大昕使者至女氏大門外掌次者延入次掌事者設几筵如初使者出次立於主人大門外之西東面主人立於阼階下西面儻者進受命出請事賓曰吾子有貺命某加諸卜占曰吉使某也敢告

某壻父名使某使者名

儻者

入告主人曰某之子不教唯恐弗堪吾子有吉某預在焉某不敢辭儻者出告掌畜者以鴈授使者退立於後

主人迎拜如常主人揖賓以入賓從入主人入門而右
賓入門而左至於次門主人揖入二揖至階三讓如初
主人升阼階上西面賓升西階上東面曰敢納吉主人
北面再拜進立於楹間南面賓進立於主人之西俱南
面賓授鴈降自西階出立於次門外之西東面初使者
降主人還阼階東左右受鴈於序端主人降立於阼階
下西面僮者進受命出請事使者曰禮畢其禮賓如問
名之儀

納徵

其日大昕賓至女氏大門外掌事者延就次賓之掌事

者入布幕於主人次門之外玄纁束陳於幕上乘馬陳

於幕南北首西上主人掌事者設几筵如初

其玄纁束
玄三疋纁

二疋合
束之

陳設訖使者出次立於主人大門外之西東面

主人於阼階下西面儼者進受命出請事賓曰吾子有

嘉命貺室某也某有先人之禮束帛乘馬使某也請納

徵儼者入告主人曰吾子順先典貺某以重禮某敢不

承命儻者出告主人迎拜如常主人揖賓以入賓從入
主人入門而右賓入門而左至次門主人立於門東西
面賓立接西塾東面掌事者坐取玄纁興以授賓賓執
主人揖賓以入執馬者從入陳於庭三分庭一在南北
首西上主人二揖至階三讓如初主人升阼階當阿西
面賓升西階當阿東面曰敢納徵主人於阼階上北面再
拜進立於楹間南面賓進立於主人之西南面授束帛
受馬者自右受之以東賓之執馬者自前西而出賓初

授束帛降出次門外之西東面主人還阼階東左右受束帛於序端主人降立於階下西面僮者進受命出請事賓曰禮畢其禮賓如問名之儀

請期

其日大昕使者至於女氏大門外掌事者延入次又掌事者設几筵如初使者出次立於主人大門外之西東面主人立於阼階下西面僮者進受命出請事賓曰吾子有賜某既申受命惟是三族之不虞使某也請吉日

僮者入告主人曰既受前命矣惟命是聽僮者出告賓

曰某聽命於吾子

某壻
父名

僮者入告主人曰某固唯命是

聽僮者出告賓曰某使某受命於吾子吾子不許某敢

不告期日曰某

某吉日
之甲乙

僮者入主人曰某敢不敬須僮

者出告掌畜者以鴈授使者退立於後主人迎拜如常

主人揖賓以入賓從入主人入門而右賓入門而左二

揖至階三讓而升主人升阼階當阿西面賓升西階當

阿東面曰敢告期主人阼階上北面再拜進立於楹間

南面賓進立於主人之西俱南面賓授鴈降出立於次
門外之西東面主人還阼階東左右受鴈於序端主人
降立於阼階下西面儻者進受命出請事賓曰禮畢其
禮賓如納徵之儀

親迎

其日大昕婿之父女之父各服其服告於禰廟

以酒脯告之一

獻無廟者告於正寢

將行父醮子於正寢贊者布席於東序西向

又設席於戶牖之間南向父公服坐於東序西向子服

其上服

一品衮冕二品鷩冕三品毳冕四品綉冕五品玄冕六品爵弁庶人絳公服

升自西

階進立於席西南向贊者酌酒進北面以授子子再拜

受爵贊者薦脯醢於席前

脯醢出自房

子升席跪左執爵右

取脯擣於醢祭於籩豆之間右祭酒執爵興降席西南面跪卒爵奠爵再拜興贊者受虛爵還樽所子進立於父

席前東面父命之曰往迎爾相承我宗事勗率以敬先

妣之嗣若則有常

庶子但云往迎爾相勗率以敬

子再拜曰不敢忘命

又再拜降出初昏設洗於阼階東南東西當東雷南北以

堂深壘水在洗東加勺罍籩在洗西南肆實爵二巾二

加罍設婦洗於東房近北壘水在洗西加勺罍籩在洗

東北肆實以巾加罍陳饌於東房內西牖下

牲用少牢及腊三俎

二簋二簠二登豆數一品十六二品十四三品十二

壻及婦共牢婦之簋簠及豆

登之數各視其夫

牲體皆節折簋實稷黍簠實稻粱登實以羹豆實醢醬醢菹之類 簋

簠豆登加蓋俎加罍樽於室中北牖下玄酒在西加罍

勺面柄又設樽於房戶外之東加勺罍無玄酒籩在南實

四爵二盃加罍

夫婦酌於內樽四爵兩盃凡六夫婦各三酌

主人乘革輅備

儀仗從者公服乘車以從婦車及從車各准其夫至於
婦氏大門外掌次者延入次贊者布席於室戶外之西
西上右几又布席於戶內南向設醴樽於房戶內東壁
下加勺幕沾在北實觶一角杞一於沾加幕籩一豆一

又在沾北女各准其夫服花釵翟衣

一品花釵九樹翟
九等二品花釵八

樹翟八等三品花
釵七樹翟七等

入於房即席南向立姆服禮衣在其

右女從者在其後父公服升自東階立於房外之東西面
內贊者以觶酌醴加杞覆之面柄進女席前北面女降

席西南面再拜受觶內贊者薦脯醢於席前女升席跪
左執觶右取脯擣於醢祭於籩豆之間遂以柶祭醴三
始扱一祭又扱再祭興筵末跪啐醴建柶奠觶於豆
東降席西再拜訖升席南面立內贊者徹薦觶主人降
立於東階東南西面賓出次立於門西東面

賓揖也

賓者進受命

出立於門東西面曰敢請事賓曰吾子有命以茲初婚
某父使某將請承命儻者入告主人曰某固敬具以須
主人迎賓於大門外之東西面再拜賓答拜主人揖賓

賓報揖主人入賓執鴈從入至於寢門主人又揖入至
內雷將曲揖當階揖至階主人曰請吾子升賓曰某敢
辭主人曰固請吾子升賓曰某敢固辭主人曰終請吾
子升賓曰某敢終辭主人升自阼階西面立賓升自西
階進當房戶北面跪奠鴈興再拜降出主人不降送於
賓入門母出立於房戶之西南面於賓拜訖姆導女出
於母左父少進西面戒之必有正焉若衣若筭命之曰
戒之敬之夙夜無違命母戒於西階上施衿結帨戒之

曰勉之敬之夙夜無違

巾 忱佩

庶母及門內施鞶申之以

父母之命命之曰敬恭聽宗父母之言夙夜無愆視諸衿

鞶

鞶鞶囊婦人鞶絲所
以盛忱巾之屬也

女出至車壻授綏姆辭曰未教

不足與為禮婦乘以几加幃壻馭輪三周馭者代之主

人使其屬送之壻出乘車先婦車從而行於門外下車

以俟婦至降車北面立壻南面揖婦以入及寢門又揖

以入替者徹樽冪酌玄酒三注於樽女從者布席於奧

東向

西南隅謂之奧若室內窄則席於
堂上楹間東向設樽於室戶東

主人導婦升自

西階入於室即席東面立婦人立於樽西南面壻盥於南洗女從者沃之婦盥於北洗壻從者沃之贊者以饌入設醬於席前菹醢在其北俎三入設於豆東腊特於俎北贊者設黍於醬東稷稻粱在東設滫於醬南設對醬於東

對醬婦醬也
設之當特俎

菹醢在其南北上設黍於腊北其

西稷稻粱設滫於醬北贊啓會却於簋簋南對簋簋於

北

啓發也

皆加匕箸壻從者布對席於饌東贊者西面告

饌具主人揖婦即對席西面皆坐贊者皆授匕箸各

以菹擩於醢皆祭於豆間又皆祭黍替者各取肺絕末

以授皆祭替者以肺加之俎

凡祭與食皆替者贊之

替者各移黍

置於席上授肺脊食以清醬三飯卒食替者二人俱洗爵於房酌於室內之樽詣戶西北面以醕主人主人及婦皆興再拜受爵替者北面答拜主人及婦皆坐祭酒替者以肝從皆奠爵取肝振祭嚙之替者皆受實於俎豆各取爵皆飲訖執爵興替者受爵主人及婦皆再拜替者以爵復於坳又以爵酌再醕主人及婦仍立受爵坐飲

卒爵皆興贊者受爵復於坵三酌用盃如再酌主人及婦立於席後贊者皆降東階洗爵升酌於戶外樽入戶北面跪奠爵興再拜皆坐取爵祭遂飲卒爵奠爵遂拜執爵興夫婦答拜降奠爵於篚主人出脫衣服於房婦退立樽南西面位贊者徹饌設於東房如初婦脫服於室衽於奧北趾衽卧席主人入燭出婦從者餽夫之餘夫從者餽婦之餘贊者酌戶外樽酌之女從者待於戶外呼則聞

見舅姑

質明贊者見婦於舅姑立於寢門外贊者布舅席於東序西向布姑席於房戶外之西南向舅姑俱即席坐婦執筭棗栗筭竹器玄表纁裏自門外入升自西階東面再拜進

跪奠於舅席前舅撫之贊者進徹以東婦退復東面位

又再拜降自西階受筭股脩

股脩婦從者執俟於階下

升進北面再拜

進跪奠於姑席前姑舉之內贊者受以東婦退復北面

位又再拜贊設婦席於室戶西南面

在姑之席西少北

側樽甒

醴於戶內東壁下加勺鬯邊豆各一實以脯醢在樽北

設洗於東房近北壘水在洗西篚在洗東北肆

篚實以
解巾角

各一
加鬯

婦立於席西南面內贊者盥手洗觶酌醴加枲

面柄出房詣婦席前北面立婦進東面拜受退復位內

贊者西階上北面拜送內贊者薦脯醢於席前婦升席

坐左執觶右取脯擣於醢祭於邊豆之間以枲祭醴三

始扱一祭又扱再祭加枲於觶面葉興降席西東面坐

啐醴建枲興拜內贊者答拜婦進升席跪奠觶於豆東

取脯降自西階以出授婦氏從人於寢門外

盥饋

舅姑入於室婦盥饋贊者布席於室之奧舅姑共席坐俱東面南上贊者設樽於室內北牖下饌於房內西墉下

其饌如同牢

牲體皆節折左載之於舅俎右載之於姑俎也

婦入升自西階入

房以醬進設於舅姑席前其他饌從者設之皆加匕箸俱以南為上俎入各設於豆東訖贊者各授箸舅姑各以菹孺於醬祭於籩豆之間又祭飯訖乃食三飯卒食

婦入於房盥手洗爵入室酌酒醕舅進奠爵於舅席
前少東西面再拜舅取爵祭酒飲之婦受爵出戶入
房奠於篚又盥手洗爵酌酒醕姑如醕舅之禮設婦
席於室內北牖下樽東南面婦徹饌設於席前如初
西上婦親徹醬設之
其他從者設之婦進西面再拜退升席南向坐

將餽舅命易醬內贊者易之婦乃餽姑饌婦祭內贊
者助之既祭乃食三飯卒食內贊者洗爵酌醕醕婦
婦降席西面再拜受爵升席坐祭飲訖執爵興降席

東南面立內贊者受爵奠於坫婦進西面再拜

舅姑先降自西階婦降自阼階

凡席子婦舅姑不降而婦降自

西階以出

婚會

其日主人至於賓大門外之西東面立賓立阼階下西面儼者進於賓之左北面受命出立於大門外之東西面曰敢請事主人曰某有嘉禮請某子有顧儼者入告遂引賓出大門外之東西面再拜主人答拜主人曰某

有嘉禮請吾子有顧賓曰敢辭主人曰敢固請賓曰辭不得命敢不從主人拜賓答拜主人還賓遂與諸親從之贊者預鋪賓席於堂上楹間近北南面設賓之宗室席位於賓席西南賓之異姓席位於宗室之南又於西階下設異姓席位皆重行東面以北為上設主人席位於阼階上西面設主人宗室席位於主人東北設異姓席位於宗室之北皆重行西面以南為上又設主人異姓席位於東階下重行西向以北為上賓至立於主人大門外之西東面賓之宗室立於賓西南異姓

立於宗室之南俱重行東面以北為上僮者引主人出
立於大門外之東西面主人諸親立於大門外之東重
行西面以南為上立定主人西面再拜賓東面答拜主
人揖賓賓報揖僮引主人又僮者引賓以入諸親以次
從入至內門主人諸親以次從入加常至階主人揖賓
賓報揖賓主及諸親以次升各立於席後其庭前者亦
如之立定賓主及諸親俱坐執爵者酌酒升自東階酒
升堂賓主及諸親皆起執爵者以酒授主人僮者引主

人進詣賓席前西北面立賓自席西進東南向受爵儻者引主人退復位賓還席後賓主及諸親俱坐執爵者又以酒授主人及賓主諸親賓主俱祭而飲諸親不祭而飲爵行一周食升堂賓主及諸親皆起掌食者以醢醬豆授主人儻者引主人進設於賓席前賓曰請吾子無辱主人曰不敢忘禮儻者引主人復位執饌者以籩豆簋盥俎鉶設於賓主席前又加以匕箸執饌者以次設食訖賓主皆祭而食諸親不祭而食於賓祭主人曰

疏食不足祭賓主俱食三飯而止主人曰請吾子食賓更飯會畢遂進庶羞觴行如常食畢賓主及諸親俱興儻者各引賓主以下降出賓主及賓之諸親皆復門外位主人諸親復門內位主人再拜送賓退儻者引主人入

婦人禮會

女賓乘車入至下車所內儻者引入主人迎送於閣內相稱之辭各准其夫餘如丈夫之禮

饗丈夫送者

其日掌事者鋪賓席於堂下楹間近北南向又鋪主人席於阼階上西向又設衆賓之席於賓西南設從者席位於西階下重行東向北上僮者引賓以下立於主人門外之西俱重行東面以北為上立定僮者引主人出立於門東西面主人揖賓賓報揖僮者各引賓主以下入至階主人揖賓賓報揖賓主以下俱升立於席後立定賓主以下俱坐遂進酒設食如婚會之儀會畢賓主以下俱興僮者引

賓立於西階上東面主人掌事者奉束帛之篚升以授主人主人執篚西面立賓西階上北面再拜主人進立於楹間南面賓進立於主人之西俱南面主人以篚幣授賓賓受退立於西階上東面主人還東階上北面再拜送僮者引賓以下降自西階從者迂受幣在庭者以次出復門外位僮者引主人降自東階出門東西面拜送賓退主人入

饗婦人送者

內傭者引賓升主人迎送於閣內相稱之辭各准其夫
酬以束帛如丈夫之禮

大唐開元禮卷一百二十三

欽定四庫全書

大唐開元禮卷一百二十四 唐 蕭嵩等 撰

嘉禮

四品五品婚

納采

問名

納吉

納徵

請期

親迎

見舅姑

盥饋

婚會

婦人禮會

饗丈夫送者

饗婦人送者

納采

婚禮先使媒氏通書女氏許之乃致納采之禮前一日主人設賓次於大門外道右南向以後納吉納徵請期親迎設次皆如之其日大昕使者至女氏大門外掌次者延入次主人公服受其禮於廟無廟者於正寢掌事者布神席於室戶外之西右几使者公服出次立於大門外之

西東面主人立於東階下西面僮者立於主人之左北

面受命出立於門東西面曰敢請事實曰吾子有命

室某也

吾子女父某壻名

某有先人之禮使某也請納采

上某壻父

名下某使者稱

僮者入告主人曰某之子蠢愚又弗教吾子命

之某不敢辭僮者出告掌畜者以鴈授賓退立於後賓

左手執之主人迎於大門外之東西面再拜賓不答拜

主人揖賓以入賓從入主人入門而右賓入門而左至

於次門主人又揖入至內霤將曲揖當階揖至階主人

曰請吾子升賓曰某敢辭主人曰固請吾子升賓曰某
敢固辭主人曰終請吾子升賓曰某敢終辭主人升東
階當阿阿棟也西面賓升西階當阿東面賓曰敢納采主人
阼階下北面再拜進立楹間南面賓進立於主人之西
俱南面賓授鴈降自西階以出

問名

納采禮畢賓既降立於內門外之西東面初賓降主人
還阼階東左右受鴈於序端主人降立於阼階下西面

儻者進受命出請事實曰某既受命將加諸卜敢請女
為誰氏儻者入告主人曰吾子有命且以備數而擇之
某不敢辭儻者出告掌畜者以鴈授賓退立於後主人
迎於內門外之東西面揖賓以入主人入門而右賓入
門而左二揖至階三讓如初主人升阼階當阿西面賓
升西階當阿東面曰敢問名主人於阼階上北面再拜
進立於楹間南面賓進立於主人之西俱南面賓授鴈
還立西階上東面主人還阼階上西面曰某第某女某

氏出賓出立於內門外之西東面主人退立於阼階東
左右受鴈於序端主人降立於阼階下西面儻者進受
命出請事賓曰禮畢儻者入告主人曰吾子為事故至
於某之室某有先人之禮請禮從者儻者出告賓曰某
既得將事敢辭儻者入告主人曰先人之禮敢固以請
儻者出告賓曰某辭不得命敢不從儻者入告主人升
立於序端掌事者徹几改筵東上

蒲筵緇布純加荏席
玄帛純漆几主人設神

席亦
准此設甒醴於東房內西墉下加勺冪篚在樽北實觶

一角枳一加罍籩豆在筐北實脯醢設洗於東房近北
壘水在洗西筐在洗東北肆設訖主人降迎賓於內門
外之東西面主人揖賓賓報揖主人入賓從入二揖至
階三讓如初升主人於阼階上北面再拜賓於西階上
北面答拜主人受几於序端掌事者內拂几三奉兩端
西北向進主人東南向外拂几三振袂內執之進西北
向使者迎受於筵前東南向以俟主人還阼階上北面
拜送賓以几避北面坐設於坐左興退於西階上北面

答拜立於西階東面贊者盥手洗解酌醴加柶於解覆之面葉出房南面立主人受醴面柶進筵前北面立賓西階上北面一拜進筵前東南面受醴復西階上位主人還阼階上北面一拜送贊者薦脯醢於筵前賓進升筵坐左執觶右執脯擣於醢祭於籩豆之間以柶祭醴三始扱一祭又扱再祭興以柶兼諸解上躡降筵於西階上北面坐啐醴建柶奠解遂拜執觶興主人答拜賓進升筵坐奠解於籩豆之東賓退立於西階上東面掌

事者奉篚幣升自東階主人受於序端進西面立賓西
階上北面再拜主人進楹間南面立賓進立於主人之
西俱南面主人以幣篚授賓賓受退立於西階上東面
主人還東階上北面拜送賓降自西階從者迂受幣賓
出大門外之西東面立主人降出門東西面拜送賓退
主人入立於東階下西面僮者告於主人曰賓不顧矣
主人乃還於寢於使者歸主人壻之父公服立於阼階下
西面使者入告立於主人之左北面曰某既得將事敢

告主人曰聞命使者退主人入

以下復命准此

納吉

其日大昕使者至女氏大門外掌次者延入次掌事者設几筵如初使者出次立於主人大門外之西東面主人立於阼階下西面儻者進受命出請事賓曰吾子有貺命某加諸卜占曰吉使某也敢告

某壻父名也使某使者名

儻者

入告主人曰某之子不教唯恐不堪吾子有吉某預在焉某不敢辭儻者出告掌畜者以鴈授使者退立於後

主人迎拜如常主人揖賓以入賓從入主人入門而右
賓入門而左至於次門主人揖入二揖至階三讓如初
主人升阼階上西面賓升西階上東面曰敢納吉主人
北面再拜進立於楹間南面僮者立於主人之西俱南
面賓授鴈降自西階出立於次門外之西東面初使者
降主人還阼階東左右受鴈於序端主人降立於阼階
下西面僮者進受命出請事使者曰禮畢其禮賓如問
名之儀

納徵

其日大昕賓至女氏大門外掌事者延就次賓之掌事者入布幕於主人次門之外玄纁束陳於幕上兩馬陳於幕南北首西上主人掌事者設几筵如初

其玄纁束玄三疋纁

二疋合束之

陳設訖使者出次立於主人大門外之西東面

主人立於阼階下西面儻者進受命出請事賓曰吾子有嘉命貺室某也有先人之禮束帛兩馬使某也請納徵儻者入告主人曰吾子順先典貺某以重禮某敢

不承命儻者出告主人迎拜如常主人揖賓以入賓從入主人入門而右賓入門而左至次門主人立於門東西面賓立接西塾東面掌事者坐取玄纁興以授賓賓執主人揖賓以入執馬者從入陳於庭三分庭一在南北首西上主人二揖至階三讓如初主人升阼階當阿西面賓升西階當阿東面曰敢納徵主人於阼階上北面再拜進立於楹間南面賓進立於主人之西南面授束帛受馬者自右受之以東賓之執馬者自前而出賓

初授束帛降出次門外之西東面主人還阼階東左右受束帛於序端主人降立於階下西面儻者進受命出請事賓曰禮畢其禮賓如問名之儀

請期

其日大昕使者至於女氏大門外掌事者延入次又掌事者設几筵如初使者出次立於主人大門外之西東面主人立於阼階下西面儻者進受命出請事賓曰吾子有賜某既申受命惟是三族之不虞使某也請吉日

僮者入告主人曰既前受命矣唯命是聽僮者出告賓

曰某聽命於吾子

某壻
父名

僮者入告主人曰某固唯命是

聽僮者出告賓曰某使某受命於吾子吾子不許某敢

不告期曰某

某吉日
之甲乙

僮者入告主人曰某敢不敬須僮

者出告掌畜者以鴈授使者退立於後主人迎拜如常

主人揖賓以入賓從入主人入門而右賓入門而左二

揖至階三讓如初主人升阼階當阿西面賓升西階當

阿東面曰敢告期主人阼階上北面再拜進立於楹間

南面賓進立於主人之西俱南面賓授鴈降出立於次
門外之西東面主人還阼階東左右受鴈於序端主人
立於阼階下西面儻者進受命出請事賓曰禮畢其禮
賓如納徵之儀

親迎

其日大昕壻之父女之父各服其服告於禰廟

以酒脯告之一

獻無廟者告於正寢

將行父醮子於正寢贊者布席於東序西向

又設席於戶牖之間南向父公服坐於東序西向子服

其上服

四品綉冕五品玄冕

升自西階進立於席西南向贊者酌

酒進北面以授子子再拜受爵贊者薦脯醢於席前

脯醢

出自房

子升席跪左執爵右取脯擣於醢祭於籩豆之間

右祭酒執爵興降席西南面跪卒爵奠爵再拜執爵興

贊者受虛爵還樽所子進立於父席前東面父命之曰

往迎爾相承我宗事最率以敬先妣之嗣若則有常

庶子

但云往迎爾相最率以敬

子再拜曰不敢忘命又再拜降出初昏設

洗於阼階東南東西當東雷南北以堂深壘水在洗東加

勺冪篚在洗西南肆實爵二巾二加冪設婦洗於東房

近北壘水在洗西加勺冪篚在洗東北肆實以巾加冪

陳饌於東房內西墉下

牲用少牢及腊三俎二簋二簋二登其豆數四品十五品八

壻及婦共牢婦之簋簋豆登之數各視其夫

牲體皆節折簋實稷

黍簋實稻梁登實以羹二豆實醢醬菹菹之類

簋簋豆登加蓋俎加冪樽於

室中北墉下玄酒在西加勺冪南柄又設樽於房外之

東加勺冪無玄酒篚在南實四爵二帔加冪

天婦酌於內樽

四爵兩帔凡六夫婦各三醕

主人乘木輅備儀仗

主人謂壻五品非京官職事者乘青

通慝
續車

從者公服乘車婦車及從車各准其夫至於婦氏大門

外掌次者延入次贊者布席於室戶外之西西上右几
又布席於房戶內南向設醴樽於房內東壁下加勺羶
篚在北實解一角枲一於篚加羶邊一豆一又在篚北女

各准其夫服花釵翟衣

四品花釵六樹翟六等
五品花釵五樹翟五等

入於房

即席南向立姆服禮衣在其右女從者在其後父公服
升自東階立於房內之東西面內贊者以解酌醴加枲
覆之面柄進女席前北面女降席西南面再拜受解內

贊者薦脯醢於席前女升席跪左執觶右取脯擣於醢
祭於籩豆之間遂以柶祭醴三始扱一祭又扱再祭興
筵未跪啐醴建柶奠觶於豆東降席西再拜訖升席南
面立內贊者徹薦觶主人降立於東階南面賓出次立
於門西東面賓階也 儻者進受命出立於門東西面曰敢請
事賓曰吾子有命以茲初婚某父使某將請承命儻者
入告主人曰某固敬具以須主人迎賓於大門外之東
西面再拜賓答拜主人揖賓賓報揖主人入賓執鴈從

入至於寢門主人又揖入至內雷將曲揖當階揖至階
主人曰請吾子升賓曰某敢辭主人曰固請吾子升賓
曰某敢固辭主人曰終請吾子升賓曰某敢終辭主人
升自阼階西面立賓升自西階進當房戶北面跪奠鴈
興再拜降出主人不降送於賓入門毋出立於房戶之
西南面於賓拜訖姆導女於母左父少進西面戒之必
有正焉若衣若筭命之曰戒之敬之夙夜無違命毋戒
於西階上施衿結帨戒之曰勉之敬之夙夜無違

帨佩巾

庶母及門內施鞶申之以父母之命命之曰敬恭聽宗

父母之言夙夜無愆視諸衿鞶

鞶鞶囊婦人鞶絲所以盛悅巾之屬

女出至

車壻授綏姆辭曰未教不足與為禮婦乘以几加幪壻

馭輪三周馭者代之主人使其屬送之壻出乘車先婦

車從而行至於門外下車以俟婦至降車北面立壻南

面揖婦以入及寢門又揖以入贊者徹樽罍酌玄酒三

注於樽女從者布席於奧東向

西南隅謂之奧若室內窄則席於堂上楹間東

向設樽於室戶東也

主人導婦升自西階入室即席東面立婦入

立於樽西南面壻盥於南洗女從者沃之婦盥於北洗
婿從者沃之贊者以饌入設醬於席前菹醢在其北俎
三入設於豆東腊特於俎北贊者設黍於醬東稷稻粱
在東設滫於醬南設對醬於東

對醬婦醬也
設之當持俎

菹醢在其

南北上設黍於腊北其西稷稻粱設滫於醬北贊啓會
却於簋簋南對簋簋於北

啓發也

皆加匕箸壻從者布對

席於饌東贊者西面告饌具主人揖婦婦即對席西面
皆坐贊授匕箸各以菹擣於醢皆祭於豆間又皆祭黍

贊者各取肺絕末以授皆祭贊者以肺加於俎

凡祭與食皆贊

者贊之

贊者皆移黍置於席上授肺脊皆食以湆醬三飯

卒食贊者二人俱洗爵於房酌於內室之樽詣戶西北面以醕主人及婦皆興拜受爵贊者北面答拜主人及婦皆坐祭酒贊者以肝從皆奠爵取肝振祭濟之贊者皆受實於且豆各取爵飲訖執爵興贊者受爵主人及婦皆再拜贊者以爵復於筐又以爵酌酒再醕主人及婦仍立受爵坐飲卒爵皆興贊者受爵復於筐三醕用

盥如再酌主人及婦立於席後替者皆降東階洗爵升酌於戶外樽入戶西北面俱奠爵興再拜皆坐取爵遂飲祭卒爵遂拜執爵興夫婦答拜降奠爵於篚主人出脫服於房退立樽西南面位替者徹饌設於東房如初婦脫服於室衽於奧北趾衽卧席主人入燭出婦從者餽夫之餘夫從者餽婦之餘替者酌戶外樽酌之女從者侍於戶外呼則聞

見舅姑

質明贊者見婦於舅姑立於寢門外贊者布舅席於東

序西向布姑席於房戶外之西南向舅姑俱即席坐婦

執筭棗栗筭竹器玄表纏裏自門外入升自西階東面再拜進

跪奠於席前舅撫之贊者徹以東婦退復東面位又再

拜降自西階受筭股脩婦從者執俟於階下升進北面再拜進跪

奠於姑席前姑舉之內贊者受以東婦退復北面位又

再拜贊設婦席於室戶西南面在姑席之西少北側樽甒醴於

房內東壁下加勺罍籩豆各一實以脯醢在樽北設洗

於東房近北罌水在洗西篚在洗東北肆

篚實以巾解
角柶各一加

罌

婦立於席西南面內贊者盥手洗觶酌醴加柶面柄
出房詣婦席前北面立婦進東面拜受退復位內贊者
西階上北面拜送內贊者薦脯醢於席前婦升席坐左
執觶右取脯孺於醢祭於籩豆之間以柶祭醴三始扱
一祭又扱再祭加柶於觶面葉興降席西面坐啐醴建
柶興拜內贊者答拜婦進升席跪奠觶於豆東取脯降
以出授婦氏從人於寢門外

盥饋

舅姑入於室婦盥饋贊者布席於室之奧舅姑於席坐俱東面南上贊者設樽於室內北墉下饌於房內西墉

下其饌如同牢

牲體皆節折左載之於舅俎右載之於姑俎也

婦入升自西階

入房以醬進設於舅姑席前其他饌從者設之皆加匕箸俱以南為上俎入各設於豆東訖贊者各授箸舅姑各以韭菹孺於醬祭於籩豆之間又祭飯訖乃食三飯卒食婦入於房盥手洗爵入室酌酒酌舅進奠爵於舅

席前少東西面再拜，奠取爵祭酒飲之。婦受爵出戶入房，奠於篚，又盥手洗爵酌酒醕。姑如醕，奠之。禮設，婦席於室內北墉下，樽東南面。婦徹饌，設於席前如初。西上。婦親徹醬設之，其他從者設之。婦進西面再拜退，升席南向坐。將餞，舅

命易醬，內贊者易之。婦乃餞。姑饌，婦祭內贊者助之。既祭，乃食。三飯卒食，內贊者洗爵酌酒醕。婦降席西面再拜，受爵升席坐，祭酒飲訖，執爵興降。席東南面立，內贊者受爵奠於篚。婦進西面再拜，舅姑先降，自西階。婦降

自阼階凡庶子婦舅姑不降而婦降自西階以出

婚會

其日主人至於賓大門外之西東面立賓立於阼階下西面僮者進於賓之左北面受命出立於大門外之東西面曰敢請事主人曰某有嘉禮請吾子有顧僮者入告遂引賓出大門外之東西面再拜主人答拜主人曰某有嘉禮請吾子有顧賓曰敢辭主人曰敢固請賓曰辭不得命敢不從主人拜賓答拜主人還賓遂與諸親

從之贊者預鋪賓席於堂上楹間近北南向設賓之宗室席位於賓席西南賓之異姓席位於宗室之南又於西階下設異姓之席位皆重行東向以北為上設主人席位於阼階上西面設主人宗室席位於主人東北設異姓席位於宗室之北皆重行西面以南為上又設主人異姓席位於東階下重行西向以北為上賓至立於主人大門外之西東面賓之宗室立於賓西南異姓立於宗室之南俱重行東面以北為上儼者引主人出立

於大門外之西東面主人諸親立於大門內之東重行西面以南為上立定主人西面再拜賓東面答拜主人揖賓賓報揖僮引主人又僮者引賓以入諸親以次從入至內門主人諸親以次從入如常至階主人揖賓賓報揖賓主及諸親以次升各如常立於席後庭前者亦如之立定賓主及諸親俱坐執爵者酌酒升自東階酒升堂賓主及諸親皆起執爵者以酒授主人賓者引主人進詣賓席前西北面立賓自席西進東南向受爵僮

者引主人退復位賓還席後賓主及諸親俱坐執爵者
又以酒授主人及賓主諸親賓主俱祭而飲諸親不祭
而飲爵行一周食升堂賓主及諸親皆起掌食者以醢
醬豆授主人進席設於賓席前賓曰請吾子無辱主人
曰不敢忘禮儻者引主人復位執饌者以邊豆簋簋俎
鉶設於賓主席前又加以匕箸執饌者以次設食訖賓
主皆祭而食諸親不祭而食於賓祭主人辭曰疏食不
足祭賓食三飯而止主人曰請吾子食賓更飯食畢遂

進庶羞觴行如常會畢賓主及諸親俱興僎者各引賓主以下降出賓主及賓之諸親皆復門外位主人諸親復門內位主人再拜送賓退僎者引主人入

婦人禮會

女賓乘車入至下車所內贊者引入主人迎送於閣內相稱之辭各准其夫餘如丈夫之禮

饗丈夫送者

其日掌事者鋪賓席於堂上楹間近北南面又鋪主人

席於阼階上西向又設衆賓之席於賓西南設從者席位於西階下重行東向北上儻者引賓以下立於主人門外之西俱重行東面以北為上立定儻者引主人立於門東西面主人揖賓賓報揖儻者各引賓主以下入至階主人揖賓賓報揖賓主以下俱升立於席後立定賓主以下俱坐遂進酒設食如婚會儀會畢賓主以下俱興儻者引賓立於西階上東面主人掌事者奉束帛之篚升以授主人主人執篚西面立賓西階上北面再拜主人進立於楹

間南面賓進立於主人之西俱南面主人以篚幣授賓
賓受退立於西階上東面主人還東階上北面再拜送
儻者引賓以下降自西階從者迂受幣在庭者以次出
復門外位儻者引主人降自東階出門東西面拜送賓
退主人入

饗婦人送者

內儻者引賓升主人迎送於閣內相稱之辭各准其夫
酬以求帛如丈夫之禮

大曆間元禮

十九

十九

大唐開元禮卷一百二十四

欽定四庫全書

大唐開元禮卷一百二十五 唐 蕭嵩等 撰

嘉禮

六品以下婚

納采

問名

納吉

納徵

請期

親迎

見舅姑

盥饋

婚會

婦人禮會

饗丈夫送者

饗婦人送者

納采

婚禮先使媒氏通書女氏許之乃致納采之禮前一日
主人設賓次於大門外道右南向以後納吉納徵請期
親迎設次皆如之其日大昕使者至女氏大門外掌次
者延入次主人公服受其禮於正寢有廟者於廟掌事者布
神席於室戶外之西右几使者公服不合公服者並常服出次立

於大門外之西東面主人立於東階下西面僮者立於

主人之左北面受命出立於門東西面曰敢請事賓曰

吾子有命貺室某也

吾子女父某婿名

某有先人之禮使某也

請納采

上某婿父名下某使若稱也

僮者入告主人曰某之子蠢愚

又弗能教吾子命之某不敢辭僮者出告掌畜者以鴈

授賓退立於後左手執之主人迎於大門外之東西面

再拜賓不答拜主人揖賓以入賓從入主人入門而右

賓入門而左至於次門主人又揖入至內雷將曲揖至

階主人曰請吾子升賓曰某敢辭主人曰固請吾子升
賓曰某敢固辭主人曰終請吾子升賓曰某敢終辭主
人升東階當阿阿棟也西面賓升西階當阿東面賓曰敢
納采主人阼階上北面再拜進立楹間南面賓進立於
主人之西俱南面賓授鴈降自西階以出

問名

納采禮畢賓既降立於內門外之西東面初賓降主人
還阼階東左右受鴈於序端主人降立於阼階下西面

儻者進受命出請事賓曰某既受命將加諸卜敢請女
為誰氏儻者入告主人曰吾子有命且以備數而擇之
某不敢辭儻者出告掌畜者以鴈授賓退立於後主人
迎於內門外之東西面揖賓以入主人入門而右賓入
門而左二揖至階三讓如初主人升阼階當阿西面賓
升西階當阿東面曰敢問名主人於阼階上北面再拜
進立於楹間南面賓進立於主人之西俱南面賓授鴈
還立西階上東面主人還阼階上西面曰某第某女某

氏出賓立於內門外之西東面主人退立於阼階東左
右受鴈於序端主人降立於阼階下西面僮者進受命
出請事賓曰禮畢賓者入告主人曰吾子為事故至於
某之室某有先人之禮請禮從者僮者出告賓曰某既
得將事敢辭僮者入告主人曰先人之禮敢固以請僮
者出告賓曰某辭不得命敢不從僮者入告主人升立
於序端掌事者徹几改筵東上

蒲筵緇布純漆几上
人設神席亦准此

甒醴於東房內西墉下加勺幕篚在樽北實觶一角柶

一加罍籩豆在籩北實脯醢設席於東房近北壘水在
洗西籩在洗東北肆設訖主人降迎賓於內門外之東
西面主人揖賓賓報揖主人入賓從入二揖至階三讓
如初升主人於阼階上北面再拜賓於西階上北面答
拜主人受几於序端掌事者內拂几三奉兩端西北向
進主人東南向外拂几三振袂內執之進西北向使者
迎受於筵前東南向以俟主人還阼階上北面拜送賓
以几避北面坐設於坐左興退於西階上北面答拜立

於階西東面贊者盥手洗解酌醴加柶於解覆之面葉
出房南面立主人受醴面柶進筵前西北面立賓於西
階上一拜進筵前東南面受醴復西階位主人還阼階
上北面一拜送贊者薦脯醢於筵前賓進筵坐左執解
右取脯孺於醢祭於籩豆之間以柶祭醴三始扱一祭
又扱再祭興以柶兼諸解上躡降筵於西階北面坐啐
醴建柶奠解遂拜執解興主人答拜賓進升筵坐奠解
於籩豆之東賓退立於西階上東面掌事者奉篚幣升

自東階主人受於序端進西面立賓西階上北面再拜
主人進楹間南面立賓進立於主人之西俱南面主人
以幣篚授賓賓受退立於西階東面主人還東階上北
面拜送賓降自西階從者逆受幣賓出大門外西東面
立主人降出門東西面拜送賓退主人入立於東階下
西面儼者告於主人曰賓不顧矣主人乃還於寢於使
者歸主人階之父之公服立於阼階下西面使者入告立於
主人之左北面曰某既得將事敢告主人曰聞命使者

退主人入

以下復命准此

納吉

其日大昕使者至女氏大門外掌事者延入次掌事者設几筵如初使者出次立於主人大門外之西東面主人立於阼階下西面僮者進受命出請事賓曰吾子有命既命某加諸卜占吉使某也敢告

某壻父名也使某使者名也

僮

者入告主人曰某之子不能教唯恐弗堪吾子有吉某

預在焉某不敢辭僮者告掌畜者以鴈授使者退立於

後主人迎拜如常主人揖賓以入賓從入主人入門而
右賓入門而左至于次門主人揖入二揖至階三讓如
初主人升阼階上西面賓升西階上東面曰敢納吉主
人北面再拜進立於楹間南面賓進立于主人之西俱
南面賓授鴈降自西階出立于次門之西階東面初使
出主人還阼階東左右受鴈于序端主人降立於阼階
下西面僮者進受命出請事使者曰禮畢其禮賓如問
名之儀

納徵

其日大昕賓至女氏大門外掌事者延就次賓之掌事者入布幕於主人次門之外玄纁束陳於幕上鹿皮二

內攝之

毛在內

立於幕北面西上主人掌事者設几筵

如初

其玄纁束玄三疋纁二疋合束之其執皮內攝之手相向左手并執前足右手並執後足

陳設訖使

者出次立於主人大門外之西東面主人立於阼階下西面賓進受命出請事賓曰吾子有嘉命貺室某也某有先人之禮束帛儷皮使某也請納徵儷者入告主人

曰吾子順先典貺某以重禮某敢不承命儻者入告主人迎拜如常主人揖賓以入賓從入主人入門而右賓入門而左至次門主人立於門東西面賓立接西塾東面掌事者坐取玄纁興授賓賓執主人揖賓以入執束帛皮者從入陳於庭三分庭一在南北面西上主人二揖至階三讓如初主人升阼階當阿西面賓升西階當阿東面曰敢納徵

執皮者釋外足見丈

主人於阼階上北面再拜

進立於楹間南面賓進立於主人之西俱南面授束帛

受皮者自右受之以東賓之執皮者自前西而出賓初授東帛降出次門外之西東面主人還阼階東左右受東帛於序端主人降立於階下西面僮者進受命出請事賓曰禮畢其禮賓如問名之儀

請期

其日大昕使者至於女氏大門外掌事者延入次又掌事者設几筵如初使者出次立於主人大門外之西東面主人立於阼階下西面僮者進受命出請事賓曰

吾子有賜某既申受命惟是三族之不虞使某也請吉

日儻者入告主人曰既前受命矣唯命是聽儻者出告

賓曰某聽命於吾子

某壻
父名

儻者入告主人曰某固唯命

是聽儻者出告賓曰某使某受命於吾子吾子不許某

敢不告期日曰某

某吉日
之甲乙

儻者入告主人曰某敢不敬

須儻者出告掌畜者以鴈授使者退立於後主人迎拜

如常主人揖賓以入賓從入主人入門而右賓入門而

左二揖至階三讓如初主人升阼階當阿西面賓升西

階當阿東面曰敢告期主人阼階上北面再拜進立於楹間南面賓進立於主人之西俱南面賓授鴈降出次門外之西東面主人還阼階東左右受鴈於序端主人降立於阼階下西面僮者進受命出請事賓曰禮畢其禮賓如納徵之儀

親迎

其日大昕壻之父女之父各服其服告於禰正寢

以酒脯告

之一獻有廟者告於廟

將行父醮子於正寢贊者布席於東序西

向又設席於戶牖之間南向父公服

庶人常服以下准此

坐於東

序西向子服爵弁

庶人絳公服

升自西階進立於席西南向

贊者酌酒進北面以授子子再拜受贊者薦脯醢於席

前

脯醢出自房

子升席跪左執爵右取脯擣於醢祭於籩豆

之間右祭酒執爵興降席西南面跪卒爵奠爵再拜執

爵興贊者受虛爵還樽所子進立於父席前東面父命

之曰往迎爾相承我宗事勗率以敬先妣之嗣若則有

常

庶子但云往迎爾相勗率以敬

子再拜曰不敢忘命又再拜出初

昏設洗於阼階東東西當東榮南北以堂深壘水在洗東
加勺罍篚在洗西南肆實爵二巾二加罍設婦洗於東
房近北壘水在洗西加勺罍篚在洗東北肆實以巾加

罍陳饌於東房內西牖下

饌用特牲魚腊三
罍四篚一登六豆

壻及婦共

牢婦之簋及豆登之數各視其夫

牲體皆節折簋實以
黍稷登實以羹豆實

醢醬醢
菹之類

簋豆登皆加蓋俎加罍樽於室中北牖下玄

酒在西加勺罍南柄又設樽於戶外之東加勺罍無玄

酒篚在南實四爵二盃加罍

夫婦酌於內樽四爵兩
盃凡六夫婦各三酌

主

人乘青通幪犢車

主人謂壻也

從者公服乘車以從婦車及

從車各准其夫至於婦氏大門外掌次者延入次贊者

布席於室戶外之西西上右几又布席於戶外東壁下

加勺翬篚在北實觶一角柶一於篚加翬籩豆一又在

篚北女服花釵大袖之服

庶人服花釵連裳

入於房即席南向

立姆在其右女從者在其後父公服升自阼階立於房

戶外之東西面內贊者以觶酌醴加柶覆之面柄進女

席前北面女降席西南面再拜受觶內贊者薦脯醢於

席前女升席跪左執觶右取脯孺於醢祭於籩豆之間
遂以柶祭醴三始扱一祭又扱再祭興筵末跪啐醴建
柶奠觶於豆東降席西再拜訖升席南向立內贊者徹
薦觶主人降立於東階南面賓出次立於門西東面
賓階也
儻者進受命出立於門東西面曰敢請事賓曰吾子有
命以茲初婚某父使某將請承命儻者入告主人曰某
固敬具以須主人迎賓於大門外之東西面再拜賓答
拜主人揖賓賓報揖執鴈從入至於寢門主人又揖入

至內雷將曲揖當階主人曰請吾子升賓曰某敢辭主人曰固
請吾子升賓曰某敢固辭主人曰終請吾子升賓曰某敢終辭
主人升自阼階西面立賓升自西階進當房戶北面跪奠鴈興再
拜降出主人不降送於賓入門母出立於房戶外之西南面於賓
拜訖姆導女出於母左父少進西面戒之必有正焉若衣若笄命
之曰戒之敬之夙夜無違命母戒於西階上施衿結悅戒之曰勉
之敬之夙夜無違巾 悅佩庶母及門內施鞶申之以父母
之命之曰敬恭聽宗父母之言夙夜無愆視諸衿鞶鞶 鞶 裳 婦

人聲絲所以女出至車壻授綏姆辭曰未教不足與為

威悅中之屬禮婦乘以几加景壻馭輪三周馭者代之主人使其屬

送之壻出乘車先婦車從而行至於門外下車以俟婦

至降車北面立壻南面揖婦以入及寢門又揖以入贊

者徹樽幕酌玄酒三注樽女從者布席於奧東面西南隅謂

之奧若室內窄則席於堂上主人導婦升自西階入於

楹間東向設樽於室戶東室即席東面婦入立於樽西南壻盥於南洗女從者沃

之婦盥於北洗壻從者沃之贊者以饌入設醬於席前菹

醢在其北俎三設於豆東腊特於俎北贊者設黍於醬

東設滫於醬南設對醬於東

對醬婦醬設之當特俎

菹醢在其南

北上設黍於腊北其西稷設滫於醬北贊啓會却於簋

簋南對簋簋於北

啓發也

皆加匙箸壻從者布對席於饌

東贊者西面告饌具主人揖婦即對席西面皆坐贊者

授匕箸各以菹孺於醢皆祭於豆間又皆祭黍贊者各取肺

絕末以授皆祭贊者以肺加於俎

凡祭與食皆贊者贊之

贊者皆移黍

置於席上授肺脊皆食以滫醬三飯卒食贊者二人俱洗

盞於房酌於室內之樽詣戶西北面以醕主人及婦
皆興再拜受爵贊者北面答拜主人及婦皆坐祭酒贊
者以肝從皆奠爵取肝振祭濟之贊者皆受實於且豆
各取爵皆飲訖贊者受爵主人及婦皆拜贊者以爵復
於篚又以爵酌酒再醕主人及婦仍立受爵坐飲卒爵皆興
贊者受爵復於篚三醕用盞如再醕主人及婦立於席
後贊者皆降東階洗爵升酌於戶外樽入戶西北面俱
奠爵興再拜皆坐取爵遂祭飲卒爵奠爵遂拜執爵興夫

婦答拜降奠爵於篚主人出脫服於房婦退立樽西南
面位贊者徹饌設於東房如初婦脫服於室衽於奧北趾
席衽卧主人入燭出婦從者餽夫之餘夫從者餽婦之餘
贊者酌戶外樽酌之女從者待於戶外呼則聞

見舅姑

質明贊見婦於舅姑立於寢門外贊者布舅席於東序
西向布姑席於房戶之西南向舅姑俱即席坐婦執筭
棗栗筭竹器玄表纁裏自門外入升自西階東面再拜遂跪奠

於席前舅撫之贊者進徹以東婦退復東面位又再拜降

自西階受筭股脩

股脩婦從者執俟于階下

升進北面再拜進跪奠

於姑席前姑舉之內贊者受以東婦退復北面位又再

拜贊設婦席於室戶西南面

在姑席之西少北

側樽甌醴於房內

東壁下加勺冪籩豆各一實以脯醢在樽北設洗於東

房近北壘水在洗東北肆

籠實以巾解角枳各一加冪

婦立於席西

南面贊者盥手洗解酌醴加枳面柄出房詣婦席前北

面立婦進東面拜受退復位內贊者西階上北面拜送

內贊者薦脯醢於婦席前婦升席坐左執禫右取脯擣於醢祭於籩豆之間以柶祭醴三始扱一祭又扱再祭加柶於解面葉興降席西東面坐啐醴建柶興拜內贊者答拜婦進升席跪奠解於豆東取脯降自西階以出授婦氏從人於寢門外

盥饋

舅姑入於室婦盥饋贊者布席於室之奧舅姑共席坐俱東面南上贊者設樽於室內北墉下饌於房內西墉

下其饌如同牢

牲體皆節折左載之於舅俎右載之於姑俎

婦入升自西階

入房以醬進設於舅姑席前其他饌從者設之加匙箸

俱以南為上俎入各設於豆東訖贊者各授箸舅姑各

以韭菹擣於醬祭於籩豆之間又祭飯訖乃食三飯卒

食婦入於房盥手洗爵入室酌酒醕舅進奠爵於舅席

前少東西面再拜舅取爵祭酒飲之婦受爵出戶入房

奠於篚又盥手洗爵酌酒醕姑如醕舅之禮設婦席於

室內北墉下樽東南面婦撤饌設於席前如初西上

親婦

徹醬設之其婦進西面再拜退升席南向坐將餛舅命易醬內
他從者設之

贊者易之婦乃餛姑饌婦祭內贊者食三飯卒食內贊者洗爵
酌酒酌婦降席西面再拜受爵升席坐祭酒飲訖執爵興降
席東南面立內贊者受爵奠於篚婦進西面再拜受舅姑先
降自西階婦降自阼階

凡庶子婦舅姑不降
婦降自西階以出

婚會

其日主人至於賓大門外之西東面立賓立於阼階下
西面賓者進於賓之左北面受命出立於大門外之東

西面曰敢請事主人曰某有嘉禮請吾子有顧儻者入告遂引賓出大門外之東西面再拜主人答拜主人曰某有嘉禮願吾子有顧賓曰敢辭主人曰敢固請賓曰辭不得命敢不從主人還賓遂與諸親從之贊者預鋪賓席於堂上楹間近北南向設賓之宗室席位於賓席西南賓之異姓席位於宗室之南又於西階下設異姓席位皆重行南向以北為上設主人席位於阼階上西面設主人宗室位於主人東北設異姓席位於宗室之北皆重行西

向以南為上又設主人異姓席於東階下重行西向以北為上賓至立於主人大門外之西東面賓宗室立於賓之西南異姓立於宗室之南俱重行東面以北為上儻者引主人出立於大門外之東西面主人諸親立於大門外之東重行西面以南為上立定主人西面再拜賓東面答拜主人揖賓賓報揖儻者引主人又儻者引賓以入諸親以次從入至內門主人諸親次從入如常至階主人揖賓賓報揖賓主及諸親以次升各立於席後其庭前者亦如之立定賓主及諸親

俱坐執爵者酌酒升自東階酒升堂主及諸親皆起執爵者以酒授主人儻者引主人進詣賓席前西北面立賓自席西進東南向受爵儻者引主人退復位賓還席後立主人及諸親俱坐執爵者又以酒授主人及賓主諸親賓主俱祭而飲諸親不祭而飲爵行一周食升堂賓主及諸親皆起掌食者以醢醬豆授主人儻者引主人進設於席前賓曰請吾子無辱主人曰不敢忘禮儻者引主人復位執饌者以籩豆盞盞俎鉶設於賓主席前又加以匙箸執饌者以次設食訖賓主

皆祭而食諸親不祭而食於賓祭主人辭曰蔬食不足
祭賓主俱食三飯而止主人曰請吾子食賓更飯食畢
遂進庶羞觴行如常會畢賓主及諸親俱興儻者各引
賓主以下降出賓主及賓之諸親皆復門外位主人諸
親復門內位主人再拜送賓退儻者引主人入

婦人禮會

女賓乘車入至下車所內贊者引入主人迎送於閣內相
稱之辭各准其夫餘如丈夫之禮

饗丈夫送者

其日掌事者鋪賓席於堂上楹間近北南向又鋪主人席於阼階上西向又設衆賓之席於賓西南設從者位於階下重行東面北上賓者引賓以下立于主人門外之西俱重行東西以北為上立定僮者引主人出立于門東西面主人揖賓賓報揖僮者各引賓主以下入至階主人揖賓賓報揖賓主以下俱升立於席後立定賓主以下俱坐遂進酒設食如婚會之儀會畢賓主以下俱興僮者引賓立於

西階下東面主人掌事者奉束帛之篚升以授主人主人執
篚西面立賓西階上北面再拜主人進立於楹間南面
賓進立於主人之西俱南面主人以篚幣授賓賓受
退立於西階上東面主人還東階上北面再拜送賓者
引賓以下降自西階從者迓受幣在庭者以次出復門外
位賓者引主人降自東階出門東西面拜送賓退主人
入

饗婦人送者

內儻者引賓升主人迎送於閣內相稱之辭各准其夫
酬以束帛如丈夫之禮五品以上子孫九品以上子孫
三品以上大功以上親五品以上朞以上親婚並假用
士禮

大唐開元禮卷一百二十五

欽定四庫全書

大唐開元禮卷一百二十六 唐蕭嵩等撰

嘉禮

朝集使於尚書省禮見

并辭

任官初上相見

諸州上佐同

京兆河南牧初上

諸州刺史都督同

萬年長安河南洛陽令初上

諸縣令同

朝集使於尚書省禮見

并辭

其日奉禮預布版位於尚書省都堂之前京官九品以上位在東每等異位朝集使位在西亦如之皆以北為上京官及朝集使俱常服謁者絳公服先引京官入就位又謁者引諸方朝集使等入就位奉禮立於朝集使之北差退贊者陪其後京官及朝集使序立訖奉禮曰再拜贊者承傳朝集使等俱再拜京官等逡巡揖避再拜訖京官等俱答拜朝集使等逡巡揖避再拜訖謁者贊稱禮畢羣官等各以次退朝集使亦退其辭禮亦如之

任官初上相見

諸州上佐同

應冊命之官受冊訖朝服乘輅備儀鳴鑣吹詣太廟南門至下車所鑣吹止受冊者降輅謁者引入立於廟廷

北面西上立定再拜訖又再拜辭謁者引出乘輅鳴鑣

而還

若先受制書者發第備儀仗謁詣太廟如上儀

遂詣本司將至卑官先引

俱公服俟於別席所初上者至降輅贊禮者引入停於後堂改著公服儀仗陳於廳事之前贊禮者引卑官俱位於內門之外西向每等異位重行東面以北為上初

卑官就門外位贊禮者引初上者立於廳事東階東南西面贊禮者引卑官以次入立於西階西南重行東面以北為上立定卑官俱再拜初上者答再拜贊禮者引卑官出贊禮者引初上者就後堂卑官俱更衣訖贊禮者引應坐者入立於廳事東西階下其應致敬者立於門外東西俱北上贊禮者引初上者出升堂就榻後應坐者俱升詣坐後立定初上者升坐應坐者各依其班而坐其應致敬者入立於東西階下俱以北為上諸流

外官入立於庭重行北面西上再拜訖就東階下品官之後本司以印及職掌置於案本司引入升詣坐前本司取印及職掌以次進置於坐上之案訖本司引案降出諸司以次諮判三條事訖俱興立於坐後贊禮者引初上者還後堂以外降出設會如常儀官卑不合拜廟者徑詣上所下判官者禮見而已若六品以下初上皆常服若先任者尊及官位等者先任者俟於東階下西面新任者入立於西階下東面再拜先任者答再拜訖新

任者還於廳事立於東階下與卑官相見如上儀

諸州長史

縣丞以下
初上准此

京兆河南牧初上

諸州刺史都
督初上禮附

其日州牧備儀仗至州停於後堂兵曹設儀仗於廳事
門庭如常儀本司設牧位於廳事楹間近北南向設州
官長史司馬位於堂下東方西向設錄事參軍以下位
於司馬之南重行西向皆以北為上設諸縣官位庭中
近西諸鄉望位於縣官之東每等異位俱重行北面相

對為首

州助教縣博士
助教依鄉望班

長史以下集於州南門之外州

官在東縣官在西鄉望在州官東南各有次俱服公服
鄉望常服司功整次帟名入誥贊禮者引牧出於廳
事東階東南西向左右侍從如常贊禮者立於牧南少
退俱西向贊者引州官入就位次引縣令以下入門而
左又引鄉望入門而右俱入就位立定贊禮者引牧升
自東階即位南面立又引縣令及鄉望五品以上自西
階升堂進當牧前重行北面位如在庭之儀立定上下

俱再拜牧答再拜上下在位者皆逡巡避位贊禮者引
縣令以下及鄉望俱出贊禮者引牧降入贊禮者引長
史以下次出俱更衣本司量設牧坐於堂上訖贊禮者
引縣令及鄉望俱就西階下又引長史以下入立於東
階下俱北上贊者引牧出升堂就榻後長史以下并縣令
及職事五品以上應升坐者合班俱升詣坐後立定牧
升坐諸應坐者俱坐州縣佐史以下入庭中重行北面
西上州縣學生位於其後俱再拜訖就阼階品官之後

立錄事以印及職掌置於案錄事一人引入升詣坐前
錄事以印及職掌以次進置於收案訖錄事引案降出
諸司以次諮判三條事訖坐者俱興贊禮者贊收興引
還後堂長史以下降出設會如常儀

諸州刺史初上准此其鄉望文武官

七品以上及德行有聞者皆升堂

萬年長安令初上

河南洛南縣令禮同諸縣令初上禮同

其日令停於後堂設令位於廳事楹間近北南向設鄉
望位於南方重行北向以西為上其勲官依出身班博

士助教依鄉望班又設丞位於東方西向設主簿及尉位於丞南少退西向北上鄉望以下俱集於縣南門外之西各有次司功整次紙名入諮贊禮者引令出立於廳事東階東南西向侍從如常儀贊禮者立於令之南少退俱西向贊禮者引丞以下入就位次引鄉望入就位贊禮者引令升自東階即位南向立贊禮者引鄉望文武官五品以上升自西階當進令前重行北面以西為上立定上下在位者俱再拜令答再拜上下在位者

皆逡巡避位贊禮者引鄉望降自西階以出鄉望在庭者
繼出贊禮者引令降自東階以入又引丞以下以次出
本司量設牀坐於堂上訖贊禮者引鄉望入立於廳事
西階下丞以下立於門外道西東面俱北上贊禮者引
令出升堂就榻後又贊禮者引丞入及鄉望文武官五
品以上俱升詣坐後立又贊禮者引主簿及尉入立於
東階下立定令升坐諸應坐者俱坐錄事及佐史以下
入立於庭中北面西上學生位於其後俱再拜訖就東

階下縣尉後立錄事以印及職掌置於案錄事一人引入升詣坐前錄事取印及職掌以次進置於案訖錄事

引案降諸同以次諮判三條事訖丞及鄉望俱興贊禮

者贊令興引還後堂鄉望降出設會如常儀

諸縣令初上准此其

鄉望文武官七品以上及德行有聞者皆升堂

大唐開元禮卷一百二十六

欽定四庫全書

史部

大唐開元禮卷一百

二十七至
三十五

詳校官編修臣曹錫齡

編修臣程嘉謨覆勘

總校官編修臣王燕緒

校對官中書臣吳俊

謄錄監生臣羅翮遠

欽定四庫全書

大唐開元禮卷一百二十七 唐 蕭嵩等 撰

嘉禮

鄉飲酒

鄉飲酒之禮刺史為主人

此為貢人之中有明經進士身兼德行孝弟灼然顯著旌表門閭及

秀才者皆刺史為主人若無此色皆判司攝行事先召鄉之致仕有德者謀之賢者

為賓其次為介又其次為衆賓與之行禮而賓舉之

介以下無

其人主人戒賓立於賓大門外之西東面賓立於東階下

則闕

西面將命者立於賓之左北面受命出於門外之東西面曰
敢請事主人曰某日行鄉飲酒之禮請某子臨之將命者入
告賓出立於門東西面北向拜辱

以白造
緇曰辱

主人答拜主人曰

吾子學優行高應茲觀國某日展禮請吾子臨之賓曰某固
陋恐辱命敢辭主人曰謀於父師少師莫若吾子賢敢固以
請賓曰夫子申命之某敢不敬須主人再拜賓答拜主人退
賓拜送主人戒介亦如之

介辭曰某日行鄉飲
酒之禮請吾子貳之

其日質明設

賓席於楹間近北南向設主人席於阼階上西向設介席於

西階上東向設衆賓席於三賓席之西各南向皆不屬
焉又設堂下衆賓席於西階西南東面北上設兩壺於
賓席東少北玄酒在西加勺罍置籩於壺南東肆實以
爵觶設贊者位於東階東西面北上賓介及衆賓至
立於廳事大門外之右東向北上執事者俱就位主人
迎賓於門外之左西面拜賓賓答拜又西南向拜介介
答拜又西南揖衆賓衆賓揖主人又揖賓賓報揖主人
先入門而右西面賓入門而左東面介及衆賓序入立

於賓西南東面北上衆賓非三賓者皆北面東上

凡賓主拜

揖周旋皆
有贊相也

主人將進揖當階揖賓皆報揖至階主人曰

請吾子升賓曰某敢辭主人曰固請吾子升賓曰某敢
固辭主人曰終請吾子升賓曰某敢終辭主人升自阼
階賓升自西階當榻北面立執樽者徹幕主人適篚跪
取爵興適樽實之進賓席前西北面獻賓賓西階上北
面拜主人少退賓進席前受爵退復西階上北面立主
人退於阼階上北面拜送爵賓少退贊者薦脯醢於賓

席前賓自西方升席南面立贊者設折俎賓跪左執爵

右取脯濡於醢祭於豆之間遂祭酒啐酒

啐嘗也

興降席

東適西階北面跪卒爵執爵興適樽實之進主人席前

東南面酢主人主人於阼階上北面拜賓少退主人進

席前受爵退復阼階上北面立賓退復西階上北面拜

送爵贊者薦脯醢於主人席前主人由席東自北方升贊者

設折俎主人跪左執爵右祭脯醢遂祭酒啐酒興自南

方降席復阼階上北面跪卒爵執爵興跪奠爵於東序

端興退適篚跪取觶實之以酬賓復阼階上北面跪奠
觶遂拜執觶興賓西階上答拜主人跪祭遂飲卒觶執
觶興適樽實之進賓席前北面賓西階上拜主人少退
賓既拜主人跪奠觶於薦西興復阼階上位賓遂進席
前北面跪取觶興復西階上位主人北面拜送賓進
席前北面跪奠觶於薦東興復西階上位酬酒不舉者
君子不盡人
之歡以
全交也主人北面揖遂降立於阼階下西面賓降立於
西階西當西席東面主人將與介為禮
故賓不居堂上位主人進延介主

人揖介介報揖至階一讓主人升阼階介升西階當榻
賓北面主人詣東序端跪取爵興適樽實之進於介席
前西南面獻介介西階上北面拜主人少退介進席前北面
受爵退復位主人於介右北面拜送爵介少退主人立
於西階之東贊者薦脯醢於介席前介由席西自北方
升席贊者設折俎介跪左執爵右祭脯醢遂祭酒執爵興
自南方降席復西階上北面跪卒爵執爵興介授主人爵主
人適樽實之以酢於西階上立於介右北面跪奠爵遂拜執

爵興介答拜主人跪祭遂飲卒爵執爵興退跪奠爵於西楹南還阼階上揖降介降立於賓南主人於阼階前西南面揖衆賓賓揖遂升主人適西楹南跪取爵興適樽實之於西階上南面獻衆賓之長升西階上北面拜受爵主人於衆賓長之右北面拜送贊者薦脯醢於其席前衆賓之長升席跪左執爵右祭脯醢祭酒執爵興退於西階上立飲訖授主人爵降復位主人又適樽實之進於西階上南面獻衆賓之次者如獻衆賓長之禮又

次一人升飲亦如之主人適樽實之進於西階上南面
獻堂下衆賓衆賓每一人升受爵跪祭立飲贊者遍薦
脯醢於其位訖主人受爵奠於篚主人降與賓一揖一讓升賓
介衆賓序升即席設工人席於堂廉西階之東北面東上工
四人入先二瑟後二歌工持瑟升自西階就位坐工歌鹿鳴

卒歌笙入立於堂下北面奏南陔訖乃間歌南有嘉魚

笙崇丘

問代也謂一
歌則一吹也

乃合樂周南關雎召南鵲巢

合謂
歌與

樂衆聲俱作也樂無工人則
闕無得作淫聲不雅之曲

樂正告賓曰正歌備告訖

司正升自西階

司正謂主人之贊禮者禮樂之正既成將留賓為有懈惰立司正以監之

跪取觶於篚興適樽實之降自西階詣階間右還北面

跪奠觶興拱手少立跪取觶揚觶訖遂飲卒觶跪奠觶

興拜退復西階西賓降席跪取觶於篚適樽實之詣阼

階上北面酬主人主人降席進立於賓東

初起旅酬也凡旅酬者少

長以齒也賓跪奠觶遂拜執觶興主人答拜賓立飲卒觶賓

適樽實之進阼階上東南面授主人主人再拜賓少退

主人受觶賓於主人之西北面拜送

旅酬同階禮殺

賓揖復席

主人進西階上北面酬介介降席自南方進立於主人之西

北面主人跪奠觶遂拜執觶興介答拜主人立飲卒觶適樽

實之退西階上西南面立介拜主人少進介受觶主人

立於介東北面拜送主人揖復席司正升自西階近西

北面立相旅曰某子受酬受酬者降席自西方進北面立

於介右

旅序也於是介酬衆賓又以次序相酬也某者衆賓姓也同姓則以伯仲別之又同則以其字

別之受酬者由介東尊介使不失故位也

司正退立於西序端東面

避受酬者又便

其贊上贊下也

介跪奠觶遂拜執觶興某子答拜介立飲執觶適

樽實之進西階上西南面授某子某子受解介立於某子之左北面揖復席司正曰某子受酬受酬者降席自西方立於某子之左北面某子跪奠解遂拜執解興受酬者拜某子答拜某子立飲卒解適樽實之進西階上西南面授之受酬者受解某子立受酬者之右揖復席次一人及堂下衆賓受酬亦如之卒受酬者以解跪奠於筐興復階下位司正適阼階上東面受命於主人主人曰請坐於賓司正迴北面告於賓曰請賓坐賓曰唯命

賓主之辭皆司正傳

請賓主各就席坐若賓主俱公服者則皆降脫履主人先左賓先右禮畢降納如常司

正降復位乃羞

羞進也所進肉

無奠爵

奠數也賓主燕飲爵行無數辭

而止三賓以上贊者二人行爵以下取足

主人之贊者皆與焉燕訖賓主俱

興賓以下降自西階主人降自東階賓以下出立於門外之西東面北上主人送於門外之東西面再拜賓介送巡而退

大唐開元禮卷一百二十七

欽定四庫全書

大唐開元禮卷一百二十八 唐 蕭嵩等 撰

嘉禮

正齒位

每年季冬之月縣令為主人鄉之老人年六十以上有德望者一人為賓次一人為介又其次為三賓又其次為眾賓其日質明設賓席於楹間近北南向設主人席於阼階上西向設介席於西階上東向設三賓席三於賓席之西各南向皆

不屬焉又設衆賓席於楹間近南北面東上設兩壺於賓席之東北少退玄酒在西加勺罍置篚於壺南東肆實以爵解設贊者位於階東南西向北上賓介及三賓至立於廳事大門外之右衆賓立於賓之後俱東向北上執事者俱就於位主人迎賓於大門外之左西面拜賓賓荅拜又西南面拜介介荅拜又西南面揖衆賓衆賓報揖主人又揖賓賓報揖主人先入門而右西面賓入門而左東面介及三賓序入立於賓西南衆賓立於三賓之後俱北面東上

凡賓主拜揖周旋皆有贊相主

人將進揖當階又揖賓皆報揖至階主人曰請吾子
升賓曰某敢辭主人曰固請吾子升賓曰某敢固辭主
人曰終請吾子升賓曰某敢終辭主人升自阼階賓升
自西階當楣北面立執樽者徹罍主人適篚跪取爵興
適樽實之進賓席前西北面獻賓賓西階上北面立主
人少退賓進於席前受爵退復西階上北面立主人退
於阼階上北面拜送爵賓少退贊者薦蕝醢於賓席前
賓以下年六十者三豆七十者四豆
八十者五豆九十者及主人皆六豆
賓自西方升席南

面跪左執爵右取菹擣於醢祭於豆間遂祭酒啐酒

啐嘗

也興降席東適西階北面跪卒爵執爵興適樽實之進主

人席前東南面酢主人主人於阼階上北面立賓退復西階上北面拜送爵贊者薦脯醢於主人席主人由席東自北方升席跪左執爵右執脯醢遂祭酒啐酒興自南方降席復阼階上北面跪卒爵執爵興跪奠爵於東序端興適篚跪取解實之以酬賓復阼階上北面跪奠解遂拜執爵興賓西階上答拜跪祭飲卒解興適樽實之

進賓前北面賓拜主人少退賓既拜主人跪奠觶於薦

西興復阼階上位賓遂進席前北面跪取觶興復西階

上位主人北面拜送賓賓進席前北面跪奠觶於薦東

興復西階上位酬酒不舉者君子不盡人之歡以全交也主人北面揖遂降

立於阼階下西面賓降立於西階當西序東面主人將與介為

禮故賓不居堂上位主人進延介主人揖介介報揖至階一讓升

主人升阼階介升西階當楣北面立主人詣東序端跪

取爵興適樽實之進於介席前西南面獻於介介西階

上北面拜主人少退介進北面受爵退復位主人於介之右北面拜送爵介少退主人立於西階之東贊者薦俎醢於介席前介進自北方升席跪左執爵右祭俎醢遂祭酒執爵興自南方降席北面跪卒爵執爵興介授主人爵主人適樽實之以酢於西階上立於介右北面跪奠爵遂拜執爵興介答拜主人跪祭遂飲卒爵執爵興進跪奠爵於西楹南還阼階上揖降介降立於賓南主人於阼階前西南揖衆賓遂升適西楹南跪取爵興適

樽實之進於西階南面獻衆賓三賓之長升西階上北面拜受爵主人於三賓長之右北面拜送贊者薦俎醢於其席前三賓之長升席跪左執爵右祭俎醢祭酒執爵興退於西階上立飲訖授主人爵降復位主人又適樽實之進於西階南面獻三賓之次者如獻三賓之禮又次一人升飲亦如之主人適樽實酒進於西階上南面獻衆賓衆賓每一人升受爵跪祭立飲贊者遍薦俎醢於其位訖主人受爵奠於篚主人興賓一揖一讓升

賓介衆賓序升即席設工席於堂廉西階之東北面東

上

側邊曰廉

工四人入先二瑟後二歌工持瑟升自西階就

位坐工歌鹿鳴卒歌笙入立於堂下北面奏南陔訖乃

間歌南有嘉魚笙崇丘

間代也謂一歌則一吹也

乃合樂周南關雎召南鵲

巢

合謂歌與衆聲俱作也樂無工人則闕毋得作淫聲不雅之曲

樂正告賓曰正歌備告訖司正

升自西階

司正謂主人之贊禮者禮樂之正既成將留賓為有懈惰立司正以監之

跪取觶於篚

興適樽實之降自西階詣階間右還北面跪奠觶拱手

少立跪取觶遂飲卒觶奠觶再拜賓降席跪取觶於篚

適樽實之詣阼階上北面酬主人主人降席進於賓東

初起旅酬

也凡旅酬者少長以齒

賓跪奠觶遂拜執觶興主人答拜賓立飲

卒觶適樽實之進阼階上東南面授主人主人再拜賓

少退主人受觶賓於主人之西北面拜送

旅酬同階禮殺

賓揖

復席主人進西階上北面酬介介降席自南方進立於

主人之西北面主人跪奠觶遂拜執觶興介答拜主人

立飲卒觶適樽實之進西階上西南面立介拜主人少

退介受觶主人於介東北面拜送主人揖復席司正升

自西階近西北面立相旅曰某子受酬受酬者降席自

西方進北面立於介右

旅序也於是介酬衆賓衆賓又以次序相酬也某者衆賓姓也同姓

則以伯仲別之又同則以其字別之受酬者由介東尊介使不失故位也

司正退立於序端

東面

避受酬者又便其贊上贊下

介跪奠觶遂升執觶興某子答拜

介立飲卒觶適樽實之進西階上西南面授某子某子

受觶介立於某子之左北面揖復席司正曰某子受酬

受酬者降席自西方立於某子之左北面某子跪奠觶

遂拜執觶興受酬者答拜某子立飲卒觶適樽實之

進西階上南面授之受酬者受觶某子立於受酬者之
右揖復席次一人及衆賓受酬亦如之卒受酬者以觶
跪奠於篚興復位司正適阼階上東面受命於主人曰

請坐於賓司正迴北面告於賓曰請賓坐賓曰唯命賓主

之辭皆司
正傳請

賓主各就席坐

若賓主俱公服者則皆降脫
履階下主人先左賓先右禮

畢降納
如常

司正適篚跪取觶興進立於楹間北面乃揚觶

而言曰朝廷率由舊章敦行禮教凡我長幼各相勸勗
忠於國孝於親內睦於閨門外比於鄉黨無或愆惰以

忝所生賓主以下皆再拜司正跪奠觶再拜跪取觶飲卒觶興

賓主以下皆坐司正適篚跪奠觶興降復位無筭爵筭數

也賓主燕飲爵行無數醉而止三賓以上贊者二人行爵以下取足而已也無筭樂燕樂亦無數或

間或合盡歡而止也主人之贊者皆與焉燕訖賓主俱興賓以下

降自西階主人降自東階賓以下出立於門外之西東

北上主人送於門外之東西面再拜賓介逡巡而退

大唐開元禮卷一百二十八

欽定四庫全書

大唐開元禮卷一百二十九 唐 蕭嵩等 撰

嘉禮

宣赦書

羣臣詣闕上表

羣臣奉叅起居

遣使詣蕃宣勞

宣赦書

其日質明本司承詔宣告內外隨職供辦守宮設文武羣官次於朝堂如常儀羣官依時刻皆集朝堂俱就次

各服其服奉禮設文武羣官版位於順天門外東西當朝堂之南文東武西重行北面對為首設中書令位於羣官之北南向刑部侍郎率其屬先陳金雞於西朝堂之東南向置鼓板於金鷄之南遂擊每一鼓投一杖刑部侍郎錄京師見囚集於羣官之南北面西上囚集訖鼓止通事舍人引羣官各就位中書令受詔訖遂以詔書置於案令史二人對舉案通事舍人引中書令持幡節者前導持案者次之詣門外位立持節者立於中書

令之南少西令史舉案者立於中書令之西北俱東面
立定持節者脫節衣持案者進詣中書令前中書令取
詔書持案退復位中書令稱有詔書羣官皆再拜宣訖
羣官又再拜舞蹈又再拜刑部釋囚刑部尚書前受詔
書退復位持節者加節衣通事舍人引中書令幡節前
導而入又通事舍人引羣官還次

羣臣詣闕上表

前一日守宮設文武羣官次於朝堂如常儀其日量時

刻文武羣官集俱就次各服朝服奉禮設文武羣官位於東朝堂之前近南文東武西重行北面相對為首設中書令位於羣官之北南向設奉禮位於羣官東北贊者二人在南少退俱西向奉禮帥贊者先就位禮部令史二人絳公服對舉表案立於奉禮之北南面立定典謁引中書令出就南面位禮部郎中引表案詣中書令前郎中取表以授中書令中書令受表郎中舉案退復位奉禮曰再拜贊者承傳羣官在位者皆再拜通事舍人引中書令以

表入奏出復南面位稱有詔羣官再拜宣詔訖又再拜
謁者引為首一人進北面受表退復位舍人引中書令
入謁者引羣官還次

羣官奉參起居

前一日守宮設文武羣官次於朝堂如常儀其日依時
刻文武羣官九品以上俱集朝堂次奉禮設文武羣官
位於東朝堂之前文左武右重行北面對為首又設
奉禮位於文武官東北贊者二人在南少退俱西向又

設通事舍人位於文官為首者之北少東西向並如常奉禮
帥贊者先就位舍人各引文武羣官俱就位立定舍人引為
首者少進通起居訖退復位奉禮唱再拜贊者承傳羣官在
位者皆再拜舍人入奏訖舍人承旨出復位西面稱勅旨羣
官在位者皆再拜宣勅訖又再拜舍人及羣官俱退

皇帝遣使詣蕃宣勞

前一日執事者設使者次於大門外道東南向其日使
者至執事者引就次使者以下俱公服蕃主朝服立於

東階東南西面使者出次執事者引使者立於大門外之西
東面使副立於使者西南持節者立於使者之北少退令史
二人對舉詔書案立於使副西南俱東向執事者引蕃主迎
使者於大門外之南北面再拜使者不荅拜執事者引使者
入持節者前導持案者次之入門而左使者詣階間南面立
持節者立於使者之東少南西面使副立於使者西南持案
者立於使副西南俱東面執事者引蕃主入立於使者之南
北面持節者脫節衣持案者進使者前使副取詔書持案者

退復位使副進授使者退復位使者稱有詔蕃主再拜
使者宣詔訖蕃主又再拜執事者引蕃主進使者前北
面受詔書退立於東階東南西面持節者加節衣執事
者引使者持節者前導持案者次之出復門外位執事
者引蕃主拜送於大門外使者還於次執事者引蕃主
入

大唐開元禮卷一百二十九